

rum, quos in margine annotavi, series facile evincet<sup>1)</sup>. Est ea societas libera<sup>2)</sup>, quatenus nulla in ea cuiuslibet dominatio ferri potest, sed omnes pares inter se plenissima gaudent libertate. Melius etiam huius societatis character perspicitur, si dixerimus eam esse fraternam<sup>3)</sup>, inquantum fratris ad fratrum relatio socios inter se coniungit, et Ecclesia proprie »liberorum Dei »Societas<sup>4)</sup> dicenda est. Qui Ecclesiae praesunt, etsi muneris ratione habita verbi divini ministri dicuntur<sup>5)</sup>, respectu Ecclesiae »societatis ministri<sup>6)</sup>» vocantur, neque in se, tanquam sacrorum antistites auctoritatem omnem ac potestatem conferre debent, sed ipsis quoque sociis »sua remaneat potestas<sup>7)</sup>», »sua quoque officia<sup>8)</sup>» relinquuntur, nam eo potissimum nomine Papismum incusat à Lasco, quod »institutum a Christo Domino observatumque ab Apostolis, ac nobis omnibus commendatum Ecclesiastici totius ministerii ordinem, inducto novo quodam Sacerdotii sui genere suppressere conatus sit<sup>9)</sup>». Libera ea atque fraterna societas alibi quoque non tam multum diverso sensu dicitur »Coetus fidelium<sup>10)</sup>», »corpus fidelium<sup>11)</sup>», sive »libera civitas<sup>12)</sup>», quae denominationes societatis characterum egregie confirmare mihi videntur. Omnis denique sequens disquisitio abunde id, quod contendimus, attestabitur, e Lasco mente Ecclesiam Christi liberam, eamque fraternam societatem esse hominum, »die alle dinck met Christo ende alle gaen »Gods onder den anderen door de liefde ghemeyne hebben<sup>13)</sup>».

<sup>1)</sup> *Purg. min. Francof.* p. 27. *Ep. ad Bull.* (*Ser. ant.* IV. 1<sup>a</sup>. 451.). *Ep. ad Edw.* VI. (*praem. Tract. de Sacram.* p. 14.). *Forma ac rat. min. Lond.* p. 186, 275, 279, 285, 288, 357, 394, 399, 400, 401, 501, al. *Tract. de Sacram.* p. 68<sup>a</sup>, 91<sup>b</sup>, 128<sup>a</sup>.

<sup>2)</sup> *Forma ac rat. min. Lond.* p. 109.

<sup>3)</sup> *Ib.* p. 285. <sup>4)</sup> *Ib.* p. 167, 357.

<sup>5)</sup> *Conf. fidei* p. 19. (HERINGA. p. 266.).

<sup>6)</sup> *Conf. fidei* p. 21<sup>a</sup>. (HERINGA. p. 269.) et p. 21<sup>b</sup>. (*ib.* p. 270.).

<sup>7)</sup> *Forma ac rat. min. Lond.* p. 108, 285, 334.

<sup>8)</sup> *Ib.* p. 289: »Sunt tamen plebis quoque in Ecclesia officia.»

<sup>9)</sup> *Ep. ad Sen. Pol.* (*Ser. ant.* III. 1<sup>a</sup>. 114, 115.).

<sup>10)</sup> *Conf. fidei* p. 2<sup>a</sup>. (HERINGA. 232.), et 6<sup>a</sup>. (HERINGA 239.). *Forma ac rat. min. Lond.* p. 390.

<sup>11)</sup> *Forma ac rat. min. Lond.* 86, 288, 511, 527, 608, 614. *Tract. de Sacram.* 62<sup>a</sup>. *Ep. ad Christ.* III. (*Ser. ant.* II. 2<sup>a</sup>. 685.).

<sup>12)</sup> *Ep. ad Edw.* VI. (*praem. Tract. de Sacram.* p. 14.).

<sup>13)</sup> *Cat. Lond. mai.* p. 76.